



Bosnia and Herzegovina
Federation of Bosnia and Herzegovina

CANTON SARAJEVO
Ministry of Internal Affairs
Police department

Број: 02-11-4-982-5/26

Datum: 31.03.2026. godine

Na osnovu člana 23. stav (3) tačka h) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16, 26/19, 31/19 i 39/20), člana 69. stav (1) tačka b) i (2) tačka d), a u vezi sa članom 70. stav (1), (4) i (6) Zakona o javnim nabavkama („Službeni glasnik Bosne i Hercegovine”, broj 39/14, 59/22 i 50/24), članom 34. Pravilnika o javnim nabavkama Uprave policije Ministarstva unutrašnjih poslova Kantona Sarajevo („Službene novine Kantona Sarajevo”, broj: 44/23) i preporuke Komisije za nabavku usluga servisiranja printera, kopir aparata, MF uređaja i dokument skenera za potrebe Uprave policije, imenovane Rješenjem broj: 02/5-1-30-1-706 od 28.01.2026. godine u postupku javne nabavke putem otvorenog postupka, policijski komesar Uprave policije Ministarstva unutrašnjih poslova Kantona Sarajevo, donosi :

ODLUKU

O PONIŠTENJU POSTUPKA JAVNE NABAVKE USLUGA SERVISIRANJA PRINTERA, KOPIR APARATA, MF UREĐAJA I DOKUMENT SKENERA

I

Poništava se postupak javne nabavke usluga servisiranja printera, kopir aparata, MF uređaja i dokument skenera za potrebe Uprave policije Ministarstva unutrašnjih poslova Kantona Sarajevo, iz razloga što nijedna od primljenih ponuda nije prihvatljiva za:

- LOT 1 – usluga servisiranja kopir aparata,
- LOT 2 – usluga servisiranja MF uređaja i dokument skenera,
- LOT 3 – usluga servisiranja printera.

II

Ova odluka stupa na snagu danom donošenja, objavit će se na web stranici www.mup.ks.gov.ba i dostavlja se ponuđačima koji su učestvovali u postupku javne nabavke.

Obrazloženje

Na osnovu Odluke broj: 02-11-4-982/26 od 09.02.2026. godine i Obavještenja o nabavci broj: 16475-1-2-15-3-51/26 od 11.02.2026. godine, proveden je otvoreni postupak javne nabavke usluga servisiranja printera, kopir aparata, MF uređaja i dokument skenera za potrebe Uprave policije Ministarstva unutrašnjih poslova Kantona Sarajevo.

U postupku predmetne javne nabavke Komisija je blagovremeno i pravilno organizovala otvaranje ponuda, o čemu je sačinila Zapisnik sa otvaranja ponuda broj: 02-11-4-982/26 od 04.03.2026. godine. Prema Zapisniku sa otvaranja ponuda broj: 02-11-4-982/26 od 04.03.2026. godine za aktivno učešće u postupku dostavljene su ponude ponuđača Facit d.o.o. Sarajevo za LOT 1 - usluga servisiranja kopir aparata, LOT 2 - usluga servisiranja MF uređaja i dokument skenera i LOT 3 - usluga servisiranja printera.

Komisija za nabavku usluga servisiranja printera, kopir aparata, MF uređaja i dokument skenera za potrebe Uprave policije (u daljem tekstu Komisija) izvršila je pregled i ocjenu dostavljenih ponuda, te sačinila Zapisnik o pregledu i ocjeni ponuda broj: 02-11-4-982-4/26 od 30.03.2026. godine, kojim je utvrdila sljedeće:

- Vršeci analizu ponude ponuđača Facit d.o.o. za LOT 1 Komisija je utvrdila da je cijena ponude za LOT 1, nakon ispravke računске greške, veća od planiranih, odnosno osiguranih sredstava za predmetnu nabavku te u skladu sa naprijed navedenim, ponuda ponuđača Facit d.o.o. za LOT 1 nije prihvatljiva, te se u skladu sa članom 68. stav (4) tačka i) Zakona o javnim nabavkama odbacuje.

- Vršeci analizu ponude ponuđača Facit d.o.o. za LOT 2- usluge servisiranja MF uređaja i dokument skenera, Komisija je utvrdila da ponuda ne ispunjava uslove tenderske dokumentacije.

U obrascu za cijenu ponude za LOT 2, koji je dat kao Aneks III tenderske dokumentacije, a koji je u svojoj ponudi ponuđač dostavio na strani 17. za uređaj IX CANON i-Sensys MF6140dn pod rednim brojem 4.(Fixing film) u kolonama: B (Jedinična cijena dijela bez PDV-a), C (Normativ rada u satima), D (Cijena sata rada bez PDV-a) i Ax(B+(Cx D)) -Ukupna cijena bez PDV-a, ponuđač nije naveo jedinične cijene za navedene usluge.

Tenderskom dokumentacijom Ugovorni organ, u Obrascu za cijenu ponude pod tačkom 1. Napomene, jasno je naveo da: „Cijene moraju biti izražene u KM. Za svaku stavku u ponudi mora se navesti cijena.“ Naprijed navedeno ponuđač Facit d.o.o. Sarajevo u LOT-u 2 nije ispoštovao.

U skladu sa naprijed navedenim, ponuda ponuđača Facit d.o.o. Sarajevo je neprihvatljiva, te se u skladu sa članom 68. stav (4) tačka i) Zakona o javnim nabavkama odbacuje.

-Vršeci analizu ponude ponuđača Facit d.o.o. za LOT 3 Komisija je utvrdila da je cijena ponude za LOT 3, nakon ispravke računске greške, veća od planiranih, odnosno osiguranih sredstava za predmetnu nabavku, te u skladu sa naprijed navedenim, ponuda ponuđača Facit d.o.o. za LOT 3 nije prihvatljiva, te se u skladu sa članom 68. stav (4) tačka i) Zakona o javnim nabavkama odbacuje.

U postupku donošenja ove odluke je utvrđeno da je Komisija u svemu pravilno postupila te da je preporuka o poništenju postupka nabavke data u skladu sa Zakonom o javnim nabavkama, podzakonskim aktima i tenderskom dokumentacijom.

Cijeneći naprijed navedeno, primjenom člana 69. stav (1) tačka b) i stav (2) tačka d) Zakona o javnim nabavkama (“Službeni glasnik BiH”, broj 39/14, 59/22 i 50/24), riješeno je kao u dispozitivu.

POUKA O PRAVNOM LIJEKU: Protiv ove odluke može se izjaviti žalba Uredu za razmatranje žalbi, putem ovog Ugovornog organa, u roku od 10 (deset) dana od dana prijema ove odluke, a u skladu sa članom 99. i 101. Zakona o javnim nabavkama BiH.

POLICIJSKI KOMESAR
Generalni inspektor policije

Fatmir Hajdarević

Dostaviti:

- 1.Komisiji za sukcesivnu nabavku usluga servisiranja printera, kopir aparata, MF uređaja i dokument skenera;
- 2.Ponuđaču;
- 3.Odjeljenju za odnose s javnošću, radi objave na web stranici ovog organa;
4. a/a.

Adresa: Sarajevo, Zmaja od Bosne 9

Tel: + 387(0)33 286-740, Fax: + 387(0)33 655-917

Web: <http://mup.ks.gov.ba>, Email: sektor.matfin@mup.ks.gov.ba